

هامی یاتیب جیر تدان اویاق!



بیری واریدی، بیری یوخ ایدی، تانری دان سونرا هئچ کس یوخ ایدی... اوزاق بیر یوللاردا درین بیر مئشه ده بیر بالاجا کند واریدی بو کندین اوشاقلاری بیر -بیر یله یولداش کیمی اوینا یاردیلار یئیردیله ایچردیلر گاهی ده باشقا اوشاقلار کیمی ساواشاردیله.

گونلرین بیر گونو بو اوشاقلارین آنالاری باخیب گوررلر کی قورو اودونلاری قورتولوب. اونا گوره اوشاقلار دئیرلر: آی اوشاقلار! صاباح سحر تئزدن دوروب مئشه یه گئدیب بیر آز قورو آغاج بیغیب گئیررسیز!

اوشاقلار هاموسو اپلرین -آیاق قبالرین، یئجکلرین سازلایب

باش اوسته دئییب، سئوینجک یاتدیله. بو اوشاقلار ایچینه بیرده جیر تدان آدیندا بیر اوغلان اوشاقلی واریدی. او بیر آز تنبل آما فیکیرلی یدی. اونا گوره آناسینا دئدی: آنا جان! ممکن اولسا سن منیم

ایپیمی آیاق قبالریمی، یئیه یمی حاضیرلا، منده سنه چوخلو اودون گئیرم!

صاباح سحر ایسه کند اوشاقلاری مئشه یه ساری یولا دوشودولر. گئت هاگئت مئشه نین ان درین آغاجلیق لارینا چاتدیله. اورا قوری آغاج ایله دولو ایدی. هامئی باشلادی اودون یغماقا آما جیر تدان بیر کوتان اوسته ایله شیب یئمه یه باشلادی. آقشاما یاخین لاشارکن دوست لاری دئدی: «آی جیر تدان! بیر شله میزی باغلامیشیق گئتمه ک ایسته بیریک» جیر تدان باخدی کی بیر چوپ ده توپلایا بیلمه ییب. اونا گوره باشلادی یولداشلارینا یالوارماقا: «یولداشلار! نه اولار هر نیز بیر آز اودون منه

وئرسیز؟ من ده کنده سیزه ایده وئره رم»

یولداشلاری دئدی: «اولسون! هر بیریمیز سنه بیر دنه اودون وئیریک گل اولاری بیغ ایپ یله باغلا!

گئنه جیر تدان دئدی: «آ یولداشلار منیم الیم یاواش دیر! سیزلر یوبانارسیز گلین وردیگنیز اودونلاری ایپه بیغین من ده یئرینه کنده چاتاندا سیزه گیردکان وئره رم» یولداشلاری ناچالیقدان اودونلاری ایپه باغلایب جیر تانین بئلینه آتدیله. گئت ها گئت یول گئدیله آما مئشه ده آغاجلار بیر -بیرلرین ایله بوروموشدولر کی گون ایشیقی اورا چاتمیردی، هاوا قارانلیقلاشیب اونلار یول لارین ایتیردیله. بیرسی دئدی: ساغدان گئدک! او بیری دئدی: یوخ سولدان گئتملیک! دیگر یولداشلاری

دئدی: من دئیرم دوز گئدک! او بیریسی دئدی: یوخ من دئیرم گلدیگمیز یولی قایداق!

بیردن مئشه نین قارانلیقیندان بیر ایشیق گوزلرینه گلدی .جیرتدان دئدی :«یولداشلار گلین گوره ک بو ایشیق هاردان گلیر؟ آما اوشاقلار دئدیله کی: بللی دیر کی بیر ائو دیر گلین گئدک! هر کیم کی اوردا یاشیر او بیزه یولو گورسه در!

بو سوزلری دئییب یولا دوشدولر، گئدیپ ایشیقین اولان ائوه چاتدیلا، آما اورانین دربه چه لری چوخ بویوک و یکه ایدی! قاپسین چالیب بیر آز گئچمه دن قاپو آچیلدی؛ آما نه اولسا یاخشی دیر؟ هه! بیر یکه قارا دئو!!

او اوشاقلاری گورجه ک سئوینیپ اورینده دئدی: آها! بودا منیم شام یئمه گیم. اوزلری اوز آیاقلاری یایله گلدیلر! آما اوزده اوشاقلارا گوله-گوله دئدی: آی بالالاریم! سیز هارا بورا هارا؟ اوشاقلار اودون آپارماق لارین مئشه ده ایتمه کلرین دئوه دئدیله. دئوده گوله رک دئدی: هئچ عیبی یوخدور ایچری گلین و گئجه نی بوردا یاتین صباح سحر تئزدن دوروب سیزلری آپاررام ائولرینیزین یولو ن گورسه درم!

اوشاق لار یاری قورخو یاری علاج سیزلیق دان ائوه گیردیله جیرتدان دئوین بوشقاییندا آدام سوموکلرینی گوروب اوز حسابین گئندی و باشا دوشدی کی بو دئو آدام یئین دئودی آما اوشاقلارا هئچ بیر سوز دئدی. دوغروسو اولاری بوندان آرتیق قورخودماق ایسته مه دی. دئو اوشاقلارا بیر آز یئمیش وئریب سونرا هاموسونو بیر دولابچایا سالیب قاپولارین باغلا دی. اوشاقلار یورقونلوقدان هر بیر یی بوجا قدا دوشوب یاتدی. آما جیرتدان دولابچانی دولانیب بیر آز گیردکان تاپدی باشلا دی اولاری سیندی ریب یئمه یه. دئو آز زمان دان سونرا اوشاقلارین بیر یین آپاریب یئمک ایسته دی . گوردی دولابچادان تاپا-تاپ سسی گلیر. اونا گوره دئدی: دئولرده قارا بویاق-کیم یاتیب کیم اویاق؟ جیرتدان دئدی: گوللرده آلا بویاق -هامی یاتیب چیرتدان اویاق!

دئو دئدی: جیرتدان نه یه اویاق؟

جیرتدان دئدی: آخی جیرتدان آناسی هر گئجه اونا یومورتا پیشیریپ وئره ر جیرتدان یئر سونرا یاتار!

دئو بیر یومورتا پیشیریپ گئتیرر وئریر جیرتدانا جیرتدانا اونی یئیب گنه باشلیر گیردکان سیندی ریب یئمه گه.

دئو گئنه گلیر اوشاقلارین دولابچاسیندان بیرین آپارسین یئسین گورور کی گئنه سس گلیر ؛ یاواشجا دئیر: دئولرده قارا بویاق - کیم یاتیب کیم اویاق؟

جیرتدان دئیر : گوللرده آلا بویاق - هامی یاتیب جیرتدان اویاق! دئو دئیر: جیرتدان نه یه اویاق؟

جیرتدانا دئیر: آخی جیرتداین آناسی هر گئجه اونا اله کده سو گتیره جیرتدان ایچیب سونرا یاتارا!
 دئو آجیقلی گئدیب بیر اله ک تاپیب چایا ساری یولا دوشور. چایدان اله کی سویا باسی بئله فیکیر
 ائلیر کی دولوب و اله کی قالدیریر آما گورور کی سو یو خودور. گئنه باشندان دولورور آما گئنه سو
 اله کدن سوزوب سویا توکولور. دئو بو ایشدن یورگون آرقین گلیب دئیر: آی جیرتدان من آنان
 کیمی اله کده سو گتیره بیلیمیرم اولار بارداق دا سنه سو گتیرم!
 جیرتدانا دئیر: دای نه ائلیک گئت بارداقدا منه سو گتیر! دئو گئدیب بارداقدا سو گتیریر و جیرتدان
 ایچیر.

بیر آز سونرا گئنه دئو کی بته ردن آجیخمشیدی دونور دولابا کی گورو گئنه سسس گلیر؛
 دئیر: دئولرده قارا بولاق - کیم یاتیب کیم اویاق؟
 جیرتدان گئنه دئیر: گولده آلا بویاق - هامی یاتیب جیرتدان اویاق!
 دئو دئیر: گئنه ندن یاتمامیسان! نه ایستیرسن؟
 جیرتدان دئیر: منیم آنام منه یاتمدان مکه پیشیری بوئردی!
 دئو دئیر: مکه ندی؟

جیرتدان گورور کی دئو بیلیمیر مکه ندی اونا گوره دئیر: دئو سن گئت اود یاندر من سنه مکه وئرم!
 دئو گئدیب اود یاندریب سونرا جیرتدان دئیر کی سن پیشیرمک باشایرسان؟ دئوده دئیر: یوخ
 باشامیرام!

جیرتدان دئیر: بس اوندا قوی اوزوم گلیم تئز پیشیریم تئزده یاتیم! دئو کی آجیندان لاپ اولوردو
 دئدی: هه! یازیق جیرتدان! سن مکه نی یئ سونرا منده سنی یئیم! دئو قاپینی آچیب جیرتدانی
 دولابدان چیخاردیر.

جیرتدان چیخیب گورور کی اود یانان یئرده بیر آغاج واردیر کی مئوه لری یئتشیب سالانیر. دئیر:
 سنین ائوینده مکه اولا - اولا بیلیمیرسن مکه نه دی؟ ایندی کی مکه لری دیدین گل سنه اونلارین
 پیشیرمه گین ده اور گدیم بیز گتدی کدن سونرا سن اوزون اونلاری پیشیری بآجالاندا یئیرسن!
 دئو اور گینده دئدی: آی یازیق دئیرسن کی بیرینیزده بوراخا جاقام! هاموزو یئیه جاقام! آدام اولان
 یئرده مگر مکه یئیرلر! شاقیلی بادام اولان یئرده مکه نه دی اود نه دی؟

آما جیرتدانی یاها لئماق ایچین قبول ائله دی. دئو دئدی: مکه لری وئر نه تهر دئیرسن پیشیریم!
 جیرتدان دئیر: ایندی بو مئوه لرین بیرین آل دیشیوین آراسینا سونرا اونی توت اودون اوستونه
 اوندادی کی مئوه لر پیشر!

دئوده آلدانیب بو ایشی گوره ر؛ مئیه لرین سویو اودا دامجلایب برک توستی دوشور و دئوین
گوزلری آجیشیب داها هیچ بیر یئری گئورمور.

جیرتدانا تیز دونوب دولابداکی یولداشلارین اویالیدیب و دئیر کی: نه یاتبسیز کی دورون قاقاق دئو
بیزی یئمک ایستیر!

اوشاقلار دوروب تیز دولابدان چیخیب گوردولر کی دئوین اوز-گوزو اودا یانیب دیر و چیغیریر کی
: آی جیرتدان سنی توتسام بیلم نه ائله یم سنین سوموکلرینده یئیجگه م!

بویندان اوشاقلارین آتا-آنالاری دا اوشاقلاردا ن نیگران اولوب مئشه یه ساری گلیرلر و اوزاقدان
دئوین یاندیردیگی اودو گوروب اورایا ساری گلیرلر. اوشاقلارین تاپیلار و هامسی بیرآرادا ال-اله
وئریب اوردان اوزاقلاشیرلار. دئوده گوزلری کور اولدوقوندا ائو-ائشیگین اودا توتوشوب یانیر.
بئله لیکله اوشاقلار ائولرینه دونوب آنا-آتالارنی یانیندا عومور سورولر.

آذربایجان اوشاق ناغیلاری

XXXXXXXXXXXXXXXXXXXXXXXXXXXX

گجیل

<http://Gajil.20m.com>